



REPUBLIKA E SHQIPËRISË

BASHKIA VLORË
DREJTORIA E PËRGJITHSHME RREGULLATORE
DREJTORIA E BASHKËQEVERISJES

Nr. 14057 prot.

Vlorë, më 27.08.2025

PROCESVERBAL KONSULTIMI PUBLIK

RAJONI 3

DATË 13.08.2025 ORA 17:00

Tema: Konsultimi i Buxhetit Afatmesëm 2026-2028 dhe planifikimi për projekt buxhetin e vitit 2026 për Bashkinë Vlorë.

Baza ligjore: Në zbatim të ligjit nr.139/2015 “Për vetëqeverisjen vendore” nen 18; ligjit nr.119/2014 “Për të drejtën e informimit”, ligjit nr.146/2014 “Për njoftimin dhe konsultimin publik” pika 1 dhe 2 nen 5, pika 1,2,3 nen 52; Rregullores e Organizimit dhe Funksionimit të Bashkisë; si dhe Kalendarit të Konsultimit Publik nr.12237 prot, datë 23.07.2025

Marrin pjesë:

Kryetar i Bashkisë Vlorë z. Ermal Dredha, Kryetarja e Këshillt Bashkiak Vlorë-znj. Elpiniqi Mërkuri, Nënkyetarja e Bashkisë – znj. Irena Toshkallari, Nënkyetarja e Bashkisë – znj. Klea Lalo, Kryetare e Rajonit 3 znj. Manuela Prifti, Sekretar i Këshillit Bashkiak – z. Daut Zeraj, Drejtor i Financës – z. Hiqmet Haxha, anëtar të këshillit bashkiak, drjtorë të Administratës së bashkisë Vlorë, përfaqësues nga komuniteti, përfaqësues nga biznesi.

(Në takim morrën pjesë më shumë se 20 persona, listëprezencia bashkangjitur)

Takimin e hapi Kryetari i Bashkisë Vlorë- Z. Ermal Dredha: Përvendetje, Kemi filluar një sërë takimesh për buxhetin e vitit të ardhshëm, me qëllim që të ballafaqohemi me atë çfarë është realizuar dhe çfarë mbetet ende për t'u bërë. Aktualisht janë disa investime të rëndësishme në proces: Rikonstruksioni i shkollës “Lef Sallata” dhe shtimi i klasave, fond i dedikuar për mobilimin e shkollës.

Rikonstruksioni i kopshtit nr.10 (proçesi i tenderimit ka përfunduar, vlera rreth 310 milion lekë të vjetra). Problem mbetet sigurimi i ambientit për transferimin e fëmijëve.

Rikualifikimi i tregut artizanal pranë ish-fabrikës së orizit (në pritje të përfundimit të procedurës).

Rikualifikimi i lulishtes pranë shkollës "Ali Demi".

Ndërtimi i një kullishteje pranë shkollës "Ali Demi" pas lirimit të hapësirës publike.

Rikonstruksioni i bllokut të banimit të ish-sigurimeve (rreth 589 milion lekë të vjetra).

Rikualifikimi i hapësirës së rrugës Transballkanike (në fazë procedure tenderimi).

Asfaltimi dhe vijëzimi i rrugës "Albano Romina", me nevojën për të rishikuar edhe pjesën e parkimit.

Hapësira pranë rrugës "Kosova" (Albidea), në proces tenderimi.

Projekti për lulishten pranë Universitetit (punimet nisin në shtator).

Objekte publike e kulturore:

Godina e gjendjes civile (në pritje financimi). Qendra Kulturore e Fëmijëve.

Parkimi nëntokësor pranë Universitetit, me vlerë rreth 10 milion euro, pritet finalizimi i projektit nga Fondi Shqiptar i Zhvillimit.

Aplikim pranë Fondit të Zhvillimit për teknologjinë e autobusëve elektrikë të vegjël dhe instalimin e karikuesve në zonë.

Pastrimi i zonës Mbrapa Xambos, por kërkohet edhe ndërgjegjësim i banorëve.

Plani për shtimin e rreth 300 koshave plastikë, si dhe 50 kosha nëntokësore që tashmë i kemi në dispozicion.

Sot jemi këtu për të marrë mendimet dhe sugjerimet tuaja, në mënyrë që të planifikojmë më mirë buxhetin për vitin 2026.



Banor: Pse nuk po zbatohet vendimi i IMT për prishjen e objektit të paligjshëm në lagjen "1 Maj"?

Z. Ermal Dredha: Ky problem do të zgjidhet dhe do të ndiqet nga afër deri në përfundim.

Banor: E konsideroj privilegji që jam pjesë e këtij takimi. Dëshiroj të ndaj disa problematika si qytetar:

Para Bashkisë ndodhet një objekt i pashfrytëzuar – pse nuk përdoret?

Rikonstruksioni i Muzeut Hebraik.

Sheshi i Flamurit ka mbetje që duhet të pastrohen; gjithashtu nevojiten stola në lulishten përreth.

Pas monumentit ndodhet shatërvani, i cili nuk funksionon.

Objekti para hotelit mbetet pa funksion të qartë – çfarë parashikohet për të?

Shkallët e Kuzum Babasë kanë nevojë për rikonstruksion.

Përballë Conad ndodhet një vepër kulturore pa emërtim.

Te "Kali i Trojës" duhen vendosur stola.

Parku i lojërave "Albano e Romina" është i lënë në gjendje të shkretë.

Në lulishten kryesore mungon një tualet publik.

Ka nevojë për vendosjen e çezmave publike.

Linja e autobusëve duhet të shtohet me mjete 25-vendëshe.

Stacioni i trenit është i pushtuar nga qentë endacakë.

Busti i Ismail Qemalit ka nevojë për ndërhyrje pasi pllakat bien.

Z. Ermal Dredha, para Bashkisë, lulishtja është realizuar me Fondet e Zhvillimit. Po shqyrtohet mundësia e ndërtimit të një parkimi nëntokësor, i cili do të lidhet me pjesën pas Bashkisë. Gjithashtu, pranë Muzeut Hebraik parashikohet të kryhen ndërhyrje restauruese, ndërsa në Sheshin e Flamurit do të shtohen disa stola për qytetarët.

Është kryer pastrimi i shatërvanit me qëllim rikthimin e tij në identitet.

Po shqyrtohet rikthimi në funksion i tualetit ekzistues.

Te "Kali i Trojës" – Jemi në proces vlerësimi për mënyrën më të përshtatshme të ndryshimit.

Parku i lojërave "Aulona" – Një pjesë e sipërfaqes ka rezultuar me pronarë privatë, duke krijuar mbivendosje pronësie.

Qendra Kulturore e Fëmijëve – Me mbështetjen e Fondit të Zhvillimit do të transformohet plotësisht në një hapësirë moderne për fëmijët.

Banor: Kalcetoja pranë qendrës kulturore është jashtë standardeve dhe ka nevojë për ndërhyrje.

Banor: Ruga midis pallateve pranë shkollës "Lef Sallata" është e amortizuar dhe ka nevojë për asfaltim. Gjithashtu, kemi problem me shpërdorimin e ujit të pijshëm. Pallatet e vjetra ndodhen në gjendje të amortizuar dhe duhen suvatuar.

Z. Ermal Dredha: Është e nevojshme të parashikohen puse për bizneset që kanë lokale. Po ashtu, mund të përzgjidhet një numër pallatesh për t'u suvatuar, duke u bërë me dakordësinë e banorëve.

Banor: Me lavazhot çfarë do të bëhet?

Z. Ermal Dredha: Masat do të merren për të gjithë, sidomos në zonat e banuara.

Banor: Kemi nevojë për gjelbërim të qytetit dhe për pastrimin/zbullokimin e hapësirës publike pranë Studio Bleata.

Banor: Është nevoja për asfaltim të 80 metrave rruge nga Alpet deri te Metabo.

Banor: Kërkohet semafor për rregullimin e qarkullimit dhe shtim i linjës së autobusëve.

Banor: Kemi problem me bojlerët.

Z. Ermal Dredha: Do të bëjmë lëvizjen e bolierëve, kur ujesjellësi është në funksion, bolierët dalin jashtë funksionit.

Banor i lagjes Varosh: Gjatë shirave kemi probleme me përmbytjet. Kërkojmë ndërhyrje urgjente për përmirësimin e sistemit të kullimit.

Banor: Ruga te Cipajt është e prishur dhe kërkon ndërhyrje urgjente.

Banorë: Problem me parkimin pranë Hotel Bruklin.

Z. Ermal Dredha: Projekti është duke u realizuar.

Banor: 2 pallate paralel zaptuan hapësirën publike dhe hedhin mbeturina. Duhet administrator pallati, si dhe stola te lulishtja, Kali i Trojës.

Z. Ermal Dredha: Emërimi i administratorit për çdo pallat është bërë i detyrueshëm. Problemi kryesor mbetet pagesa nga banorët, por çdo pallat do të ketë administratorin e tij.

Banor: Në zonën e ish-Kombinatit kemi nevojë për shtim të gjelbërimit, rregullim të rrugëve dhe heqje të pengesave nga parkimi i makinave. Nevojiten gjithashtu ndriçim dhe pastrim i zones.

Z. Ermal Dredha: Po hasim pengesa në realizimin e investimeve në lagje për shkak të situatës me ujësjellësin.

Znj. Vera Zaho: Problemi im i mbartur lidhet me objektet e palegalizuara pranë Kopshtit 'Binjakët' dhe kërkoj ndërhyrjen tuaj për zgjidhjen e situatës.

Banor: Përgëzoj për projektin e Tregut të Orizit. Megjithatë, lulishja pranë Selis ka nevojë për investim, përfshirë ndriçim, asfaltim dhe vendosjen e stolave. Ka problem edhe me infrastrukturën e brendshme, si dhe nevojë për lirimin e hapësirës publike. Duhet të hiqen inertet e shkaktuara nga uji i ujësjellësit. Gjithashtu, duhet të trajtohen parkimet abuzive dhe të bëhet vijëzimi për parkim.

Znj. Edlira Kapllani: Nevojë emergjente për ngritjen e një çerdhe shtetërore. Të Konad, problem parkimi, i cili është burim konflikti mes njerëzve.

Banor: Pallatet e reja janë pa numër. Rruga "Kozma Gjilo" të vendoset një tabelë informuese.

Z. Ermal Dredha: Faleminderit!

Konceptoi:
Aurora Kamberaj
Koordinatore për Njoftim dhe Konsultim Publik